



民國佛教期刊文獻集成

任繼愈題



民國佛教期刊文獻集成

任繼愈題

第 108 卷



南瀛佛教會會報

全國圖書館文獻縮微復制中心

大正十五年五月

南瀛佛教會會報

第四卷
第三號

南瀛佛教會發行

內容目錄

卷頭辭……………述……………三：一

法幢

佛心宗哲學(續)……………釋 玠 宗……………二
太上老君清淨經(續)……………仲 誠……………四

論壇

什麼是佛……………許 林……………六
論念佛證明功德……………普 訓……………八
救世之佛教……………韞 輝……………九
佛教捷徑(一)……………普 儒……………一
吾人何故信佛教乎何為學佛乎……………善 雄……………三
達人知命說……………述 三……………四
縛心與攻心說……………同 人……………五
最新無上饒育衛生之發明(續)……………淨 空……………五

說苑

佛家笑得好……………唐 客……………八
玉簫冰(六)……………同 人……………九
一念之差(七)……………怪 星……………二
笑話……………閑 雲……………三
去垢說……………怪 星……………三

想華

文鈔……………怪 星……………三
詩話……………林 述……………三
詩選……………唐 山……………三
燈謎……………客 集……………三

會報

會員除名……………三
會費領收報告……………三

雜報


總會延期……………三
第八回講習會……………三
本會啟事……………三
海山支部置揭示場……………三
蔡敦輝君赴中布教……………三
來稿照錄(自信記)……………三
來稿照錄(吳明炎呈蔡敦輝師補書)……………三
福建全省祈禱和平大會上四瑛大法師公啟……………三
廈門博濟院近況……………三
靈泉寺授戒會……………三
本刊啟事……………三
編輯啟事……………三

南瀛佛教會會報

第四卷 第三號

心猿意馬。最要拏擒。慾海愛河。猶須濟渡。翻
來貝葉千言。統在天龍一指。驢腰打折。是誰
教爾承當。牛鼻穿來自。我爲他檢束。從新面
目。替佛樹功。如舊頭皮。惹人種議。用是鐘敲
破曉。願醒渴睡之魂。燈點長明。正耀光天之
日。立門外以演三車。揭卷中而傳四界。徵求
衆語。果爲實真。備作空門。同參偈諦。況逢斯
世之競爭。務要脚跟之有線。而闡當時之苦
薩。宜教心地以無塵。慈悲是佛。博愛爲仁。欲
脫三途之苦惱。于意云何。而造衆善之福緣。
我聞如是也。

(元參)



佛心宗哲學（續）

獅山金剛寺 釋 玠 宗

第二節 臨濟三句

臨濟三句。每一句具三玄。一玄具三要。有權有實。有照有用。何以故。第一句。是真佛。心清淨也。第二句。是真法。心光明也。第三句。是真道。處々無碍淨光也。一句之中。具足三句。是爲三玄。一玄之中。又具足三句。是爲三要。與三緣起互具例同。若人薦得第一句。堪與佛祖爲師。荐得第二句。堪與人天爲師。所以然者。只求諸心。不求諸道。得根本故。得真實故。荐得第三句。則自救不了。所以然者。只求諸道。不求諸心。得枝末故。得虛假故。會因僧問。每句緊偈二句。意旨深

遠。苟非其人。不能默會。于治世法。縱無差別。若明析演繹。必犯時忌。無敢自由言論者。今處哲學發明時代。時忌稍疎。于世間法。有關係者。不能不牽引時事。以資解釋。爲進化章本。用是分疏如次。

第一句。三要印開朱點窄。未容擬議主賓分。單提三要者。概括一句三玄。三玄九要。竝具無量數玄要言之也。印者。謂能印證。而信爲真實也。等于政府朱印。只一窄點。通行衆生。以爲憑信。今欲開示也。是卽涅槃妙心。宇宙真實。但屬人爲擬議。一切不容。因其最平等。只有差別也。然此畢竟平等中。主賓互具。不俟擬議。歷々分明。主、卽平等性。卽宇宙一心。賓、卽差

別性。卽宇宙萬有。其平等性。又不離差別性。其差別性。又不離平等性。且一切衆生。悉皆同具。無偏無黨。此所以爲畢竟平等。若了悟此。故堪與佛祖爲師。若以涅槃世間無差別論。實足使一切衆生。皆成佛祖。咸享極樂。第二句。妙喜豈容無著問。漚和爭負截流機。妙喜。卽文殊師利法王子也。無著。卽唐時文喜禪師。曾兩次遇見妙喜。見指月錄。漚和。兔也。截流機。謂有渡到彼岸之機能也。此二句偶。謂諸衆生。欲心光明。勿存佛見。勿存法見。勿存道見。若尋尋覓。枉用功夫。何則。眞佛無形。故無佛可求。眞法無相。故無法可得。眞道無體。故無道可成。如彼無著。兩遇妙喜。雖云覲面。不容請問。問亦無益。惟有如實修行。不取佛相。不取法相。亦無道見。若妄謂道在是也。道貌巖々。自矜矜式。實大我慢。亦不取菩薩阿羅漢。不取三界殊勝。迴然獨脫。不爲物固。乾坤倒覆。我更不疑。十方諸佛現前。無一念心喜。三塗地獄頓現。無一念心怖。煩惱由心故有。無心煩惱何居。不勞分別取相。自然得道須臾。

正如香象渡河。截流而去。能達彼岸。豈同兔類。毫無能力。負此責任耶。此心光明。誠堪與天人爲師也。第三句。但看棚頭弄傀儡。抽牽全藉裏頭人。此句是眞道。夫道。若大路然。人能言之。然不淨。非眞道。不光。非眞道。處々有碍。非眞道。縱然處々無碍淨光。若只取道。而心不清淨。心不光明。無論不能救人。亦且不能自救。故斷定之曰。自救不了。緊二句偶。謂往古來今。一切求佛求法求道。不求諸心者。皆屬棚頭傀儡。任人抽牽。雖活機關。皆死機關。若一切學說。無諸行無常。諸法無我。涅槃寂靜。等三法印者。縱說佛說法說道。悉皆魔說。而爲抽牽傀儡之人也。宜分二種。淺顯說明。(一)爲教內。若不求實相。無清淨心。無光明心。舉五時八教。及一切經典。饒汝記誦。如瓶瀉水。只喚作運搬入。不得名運搬出。積爲障礙。本來般若。不能發現。固有神通。不能披露。只管弄目前光影。理會禪理會心。理會性。理會奇特。理會玄妙。概如揲揲打月。發矢射天。枉用心神。立見墮落。與傀儡被弄。有何差

別。此如來說爲可憐者也。(二)爲教外。若舉相宗所說百法。分爲若干專門科學。各別研究。固世間法。所應爲者。在強識政府。政治法律。工巧技藝。進步速率。自然可觀。然心不光明。益以惡濁。失平等性。或主張帝國主義。或主張民主主義。或主張門羅主義。或主張侵略主義。又或主張農業立國。主張工業立國。主張商業立國。主張兼業立國。及至結果。強弱懸絕。貧富懸絕。奢約懸絕。貴賤懸絕。美醜懸絕。苦樂懸絕。夢逸懸絕。若爲權利起見。生國際戰爭。又迫人民。肉膏槍林。血浴彈雨。縱使勝利。一切苦厄。人民承受。只少數人。

太上老君清靜經(續)

此經本非合刊於本報。因其道理微微。略有可見。故特採入報上。以爲學禪者參考之。——編輯者識——

享厥榮譽。在憲識政府。及諸人士。欣羨彼術。步趨恐後。新學強國。日爲要務。孰料東扶西倒。南穿北漏。千緒萬頭。愈理愈亂。舊固腐敗。新尤惡猾。假名盜字。寡廉鮮恥。結黨爭權。倚勢貪利。錦繡河山。斷送靡惜。天然淘汰。人爲淘汰。兩均不免。如是等道。道其所道。非吾謂所道。正如登場傀儡。全憑棚中。少數脚色。運動主張。行爲至此。自己心性。全不清淨。全不光明。罔知所向。此如來所謂五濁惡世。非莊嚴國土也。故陳濟斷之曰。但看棚頭弄傀儡。抽牽還藉裏頭人。如是等類。流浪生死。世間法壞。苦厄烏度。故曰。自救不了(未完)

四

仲

誠


人心品第六

夫人神好清。而心擾之。◎註 夫人神好清者。一陰一陽乃爲人。人得一爲大。大得一爲天。超出天外。方爲

天字。人者。得天氣下降。地氣上昇。陰陽相結。以爲人也。神者。稟父母之性。爲元神。受天地之性。爲識神。而元神。無識無知。能主造化。識神。最顯最靈。能應變無停。此神是人之主人翁也。其神之源。出於無極。道家呼爲鐵漢。釋氏喚作金剛。儒家叫作魂靈。不生不滅。不增不減。在身爲魂。出身爲鬼。修善爲仙。爲佛。作惡變禽變獸。夫元神。隨身之有無。從受胎以得其生。凝於無極之中央。主宰生身之造化。十月胎足。瓜熟蒂落。地覆天翻。一個筋抖下地。因的一聲。而元神從無極。遶下肉團頑心。而遣識神。趁此吸氣。隨吸而進。以爲授胎與元神合而爲一。同居於心。從此以心爲主。而元神失位。識神當權。七情六欲。晝夜耗散。而元神耗散已盡。地水火風。四大分馳。其身嗚呼哀哉。而識神爲自己之真性。以捨身而出。縱壽高百歲。不免大夢一場。必有鬼卒押至地獄。將平生之善惡。照簿賞罰。善者或轉生來世。以受福報。或爲鬼神。享受香烟。惡者或轉生以受惡報。或失人身以變四生。而萬劫難復

也。好者愛也。清者淨也。此言元神本。好清靜。無奈人心之識神而好動作。時常以擾之。不能清靜。因不能清靜。朝傷暮損。漸磨漸虧。元神一衰。而百病相攻。無常至矣。奉勸世人。要曉人身難得。中土難生。佛法難遇。大道難逢。今得人身。幸生中土。切莫胡為混々。以過一世。要把性命二字爲重。識神元神當分。真身假身當曉。人心道心當明。切不可人心當道心。以識神當元神。以假身當真身。佛經云。心字詩。三點如星佈。橫鉤似月斜。披毛從此出。作佛也由他。呂祖曰。人生難得今已得。大道難明今已明。此生不向今生度。再等何時度此身。

黃老詩曰。一貫道心孔氏寶。於今清靜啓靈圖。真經真法皆言道。天理天年也在儒。漢武枉尋千歲藥。秦王空想萬年謨。此經在手春秋永。別有乾坤鎮玉壺。太白星詩曰。經經惟此有奇思。翻案偏然有妙詞。那管春秋而過去。只將旦暮以窺之。全憑清靜爲靈藥。豈有人心種紫芝。道心纔爲真父母。精神力量比佳兒。(未完)



什麼是佛

許

林

今日四月八日是釋迦牟尼降誕娑婆世界之記念日也。吾欲將佛的意義。佛的姓名說來。什麼是佛。

(一)佛的意義。佛這一個字。是梵語。是從前印度翻譯過來的。照中國的意義解說。就是一個覺悟的覺字。我們為什麼稱「佛」叫做覺呢。因為「佛」的智識。較我們人的智識是利害些。就是我們人所覺悟不到的事「佛」都能彰覺悟得到。

並且「佛」能覺知三千大千世界一切衆生的事。又能覺了。過去。現在。未來。三世因緣。乃至自覺。覺他。覺行圓滿。

我們所以都稱「佛」為大覺世尊。

(二)佛的姓名。「大覺世尊」這四個字。我們莫誤會了。莫

當做「佛」的姓名看。

要曉得這是我們贊美「佛」的話。我再說個比喻如下。「大覺」兩個字。猶如中國人稱孔仲尼為「大成」一樣的意思。「世尊」兩個字。也像中國人稱孔仲尼為「至聖」一樣的道理。

這「大成至聖」四個字。不是孔仲尼的名字。如是我們就曉得。「大覺世尊」四個字。不是「佛」的名字了。

至於佛的名字。我也說給諸君聽。

諸君。常聞南無本師釋迦牟尼佛的話。南無本師四個字。都不是佛的名字。釋迦兩字。也不是佛的名字。是佛的姓。

這兩個字。是譯音。牟尼兩字就是佛名字。也是譯音。

我再將南無本師釋迦牟尼大覺世尊念起來。比較中國人念大成至聖孔仲尼夫子的一樣的。

如是佛的姓名和意義。也可曉得了。

唉。我做這篇文。本題都還沒有說過。怎麼就拿那些無關緊要的文來做呢。因為看見那些隨口念佛的和盲從學佛的人。都不識得佛的名字。不懂得佛意義我所以做這篇文來說明白。給他們了知。使他們不至冤枉念佛。誤認佛名。這是我一點應該盡的義務。

(三) 什麼是佛、就佛是「人」「人」就是佛。

這兩句話。是個什麼意思呢。因為現在末法衆生。要想成佛而不能。都是誤會成佛的道理。

所以我做這篇文。說明成佛。先當覺些什麼。次當做些什麼。然後纔得成佛的意思。

想成佛的人必當喜歡看。諸君要想成佛麼。千萬不可呆板々の等候。等候佛來救度諸君去成佛。還是要諸君自己信行。自己靠得住證不退轉。能得成佛呢。何以呢。我有一句話來問諸君。諸君成佛。想要靠着佛來救度。

佛當初成佛的時候。又是靠着誰來救度呢。我閱釋迦牟尼成佛的歷史。他都是自己修行。自己救度的，並沒有什麼人來救度他。也沒有什麼佛來救度他。

諸君。現在要想成佛麼。還要發大覺悟。大信行。大修證。大勇猛精進心。去實行以下的事。

(一) 慈悲。少用些心術殺人。

(二) 喜捨。切莫做慳貪不捨的事。

(三) 忍辱。要學的大量。自度々人。

(四) 精進。仔細多用些功夫。勇猛精進。

(五) 禪定。總莫要東西去拉緣法。要老々實々學禪入定或念佛

(六) 般若。多看幾本經書。做成佛的資本。

我以上所寫的話。都是成佛的過程所必要的。

諸君若是照以上所寫的。都能夥做得到。

那麼諸君沒有成佛。也是佛了。

我願諸君如是成佛。我願諸君如是做去、我願諸君「佛就是人」「人就是佛。」

論念佛證明功德

信者萬福。當日阿彌陀佛。發有四十八願度衆生。其中發有一願。我作佛時。十方衆生。若有人至心信樂。念我名號。一氣爲一念。十念若不往生西方淨土。我不作佛。然此佛誓大願。真實不虛。經中鑿々可據。當今世人。生者多不信念佛。死者無不信念佛。何以故。皆由無人說破。世人知念佛可爲死者拔度。全不知生者念佛。乃無量功德也。世人知持齋者可念佛。實不知食葷者亦可念佛也。從今提醒。無論男女。食葷食齋。皆可念佛。況念佛而成佛者。無量無邊。非是算數所能知之。經中明々可證。卽此念佛。最爲容易簡便。一不費爾工。二不費爾錢。三可救苦難。四可滅罪愆。五可增福壽。六可超祖玄。生則可以解除煩惱。死則可以往生西方。美哉救死救生。莫如念佛。天下好事。亦莫如念佛。如是念佛。得大福報。觀六祖真言。又可證明矣。蓋千經萬經。皆佛所作。念佛無用。處々設誦誦經。又何益哉。念佛不信。家々奉祀佛祖。又何如哉。奉勸世人。急早

獅山勸化堂 普

訓

醒悟。急早念佛。切々勿疑。信者萬福。切囑切囑。

六祖真言

昔有人問六祖大師云。念佛有何利益。六祖答曰。念此一句南無阿彌陀佛。是萬世出世之妙道。成佛作祖之正因。是三界人天之眼目。明心見性之慧燈。是破地獄之猛將。是斬群邪之寶劍。是五千大藏之骨髓。是八萬總持之要門。十方虛空之無際。廣大一性之圓明。開黑暗之明燈。脫生死之良方。渡苦海之舟航。出三界之徑路。是本性彌陀。是惟心淨土。卽是化佛。卽是本師。最尊最上之妙旨。無量無邊之功德。諸大信善。但要記得只一句阿彌陀佛。在懷莫致失落。念々常現前。時々不離心。無事也如是念。有事也如是念。安樂也如是念。病苦也如是念。生也如是念。死也如是念。如是一念分明。又何必問人覓歸程途。所謂一句彌陀無別念。不勞彈指到西方。

救世之佛教

韞

輝

將演佛教救世義。且作四段而談。一、世界的定義。二、世何以須救。三、今世災患之由來。四、佛教救世之方法。

一、世的定義

就凡俗言上天下地。中間有人。爲萬物之靈。此人類。卽天地爲世間。若依佛理。其義甚廣。一者時世。以諸法流行之分位。如有過去現在未來等三世之表現。二者世俗。以歷史上習慣上通俗如是故。前者爲遷變無常。後者爲虛幻無實。總斯二義。卽是世義。更依佛法中世間出世間而言。前者一世間。爲遷變無常虛幻無實。後者一出世間。卽超出此遷變無常虛幻無實。間者中間。謂墮於無常無實二者之間。卽謂世間。

世間有二。一有情世間。二器世間。名有情者。以有生命知覺故。此世間該括三界：欲、色、無色——五趣——地獄、餓鬼、畜生、人天、衆生。但三界五趣。亦各不同。如無色界。無依正二報之身器。唯有精神的生命。欲色二

界。既有正報之身。復有所恃爲生之依報。此依報卽器世間。如人爲正報。而地球則爲依報。以爲人所依資故。復次世間以共業而成。共業者。一切衆生業力之總和也。吾人平日一切造作行爲。凡能影響於他人者。皆謂之共業。業有善惡。故果報亦有等差。如人之有貧富貴賤。卽其例也。唯業之起。每無所知。以故世間之成。乃由不知不覺之或善成惡業。非神人所造。亦非憑空而來。救世者卽救此業力所成之世間也。

二、世何以須救

法華經云。三界無安。猶如火宅。火喻有情迷惑顛倒心之活動。於器世間則有成住壞空。有情世間則有生老病死諸苦。不知苦起於貪求。不途其求。便生瞋恨。而貪瞋等難染依。則爲愚癡。所謂三毒是也。於此應了諸法無實。本空如幻。惟有作用。以從因緣生故。諸有情類。不曉斯義。由彼三毒。及與我慢。迷惑顛倒。造諸惡業。

故經喻之如火。三界如宅。宅既被火。故須營救。然此僅譬喻之一。若以水災飢饉災刀兵災爲例。其義亦然。以此世日在災難之中。特人不自覺耳。

三、今世災患之由來

古來諸家學說。說多不同。或以人倫道德教人。或以天爲教。佛則以五戒十善及出世三乘之法。隨機應化。而近二三百年有所謂進化教者。謂人由動物遞進進化而成。更能進化發達至他種境地。恣縱人類保持自己生存。與蕃殖自己種類之二種慾望。而生存競爭優勝劣敗之說。異口同聲。愈起倡適。工云工戰。商云商戰。黨與黨戰。國與國戰。種族與種族戰。乃至家庭社會。亦互相傾軋。一切智識事業。皆用爲競爭之工具。以圖達其所謂富強之目的。而不計實際上能滿足與滿足時能安享否也。此種以富強爲人生最高目之思想。即儒家亦不謂然。如孔子云。「既富矣。則教之」孟子見梁惠王。王問。「何以利吾國」孟子曰。「仁義而已矣。何必曰利」是其明證。夫競爭之起。起於貪等三毒。三毒心增長滋盛。人禍天災遂相繼顯露。而救濟之法。則非凡俗智識所能及也。

四、佛教救世之方法

凡俗之說。既不能濟斯濁世。故茲依至則無上之佛法而分根本與臨時二種救濟法以解決之。所謂根本救濟法者。如救苦人。須令受教育。使有謀生之技能。乃能自保其生存。今欲根本設救應令先明佛理喻如教育。所謂三界猶爲火宅。以及苦集滅道。四諦法等。是苦謂生老病死等。集謂貪等煩惱及業。此二爲世間因果。道者以戒定慧三。對治貪等。爲出世因。滅者解脫成就義。爲出世間果。諦者。真理。謂此四皆決定之真理也。明真理而後。依以修行。即得證果。或但教以五戒十善等人乘法。使覺進化論之謬誤。而進於的真正安樂境。然有時災難。若無根本救濟法施於前。則不得用不臨時法以救濟之。如講仁王護國般若經及設金光明壇以祈降福等。以是可云顯教爲根本救濟法。而密教則臨時救濟法也。此顯密二教皆就佛教之法施而言。至財施無畏施等之施教。則道非一途此不具論。

佛教捷徑 (一)

東京 會 普 信 編

佛陀聖訓

(一) 汝等比丘⁽¹⁾。晝則勤心。修習善法。無令失時。初夜後夜。亦勿有廢。中夜誦經。以自消息。無以睡眠因緣。以一生空過無所得也。(佛遺教經⁽²⁾)

(1) 比丘。大智度論云。比丘名乞士。清淨活命故。復次比丘名破。丘名煩惱。能破煩惱故。復次比丘名怖。丘名能。能怖魔王及冤人民。

(2) 佛遺教經。一卷。後秦鳩摩羅什譯。此經。具稱佛垂般涅槃略說教誡經。釋宗佛祖三經之一也。釋迦牟尼佛。於娑羅雙樹林間。將欲涅槃時。以大悲心。為諸弟子。垂示略說最後教誡。乃示其滅度後弟子當行之道。謂諸弟子。於佛滅後。宜以波羅提木叉

(戒律)本為師。宜制於五根而誡於心意。遠離諸欲多求。睡眠。瞋怒。憂高。驕傲。又當精進。修習八大人覺。令無放逸也。

(二) 汝等比丘。若有人來。節々支解。當自攝心。無令瞋恨。亦當護口。勿出惡言。若縱恚心。則自妨道。失功德利。忍之為德。持戒苦行。所不能及。能行忍者。乃可名為有力大人。若其不能歡喜忍受惡罵之毒。如飲甘露者。不名入道智慧人也。所以者何。瞋恚之

害。則破諸善法。壞好名聞。今世後世。人不喜見。當知瞋心甚於猛火。常當防護。無令得入。劫功德賊。無過瞋恚。白衣受欲非行道。無法自制。瞋猶可恕。出家行道無欲之人。而懷瞋恚。甚不可也。譬如清冷雲中而霹靂起火。非所應也(遺教經)

(三) 汝等比丘。當知多欲之人。多求利故。苦惱亦多。少欲之人。無求無欲。則無此患。直爾少欲。尚應修習。何況少欲能生諸功德。少欲之人。則無諂曲。以求人意。亦復不為諸根所牽。行少欲者。心則坦然。無所憂畏。觸事有餘。當無不足。有少欲者。則有涅槃。

(3) 涅槃。自體圓滿。離欲不生不滅之真理。得永遠之生命。離諸煩惱而不復遭輪迴業因。圓覺經云。以因緣俱滅故心相皆盡。名得涅槃。

(四) 沙門問佛(4) 何者多力。何者最明。佛言「忍辱」(5)多力。不懷惡故。兼加安健。忍者無惡。必為人尊。心垢滅盡。淨無瑕穢。是為最明。未有天地逮於

今日。十方所有。無有不見。無有不知。無有不聞。得一切智。可謂明矣。〔佛說四十二章經〕(六)第十五章)

(4) 佛。涅槃經云。佛者覺也。已自覺悟。復能覺他。佛地論云。於一切法一切種相。能自開覺。復能開發一切有情。故名爲佛。又大乘義章云。既能自覺。復能覺他。覺行圓滿。故名爲佛。

(5) 忍辱。梵語屈提。法界次第云。柔言忍辱。內心能安忍。外所辱境。故名忍辱。忍辱有二種。一者生忍。二者法忍。云何名生忍。生忍有二種。一於恭敬供養中。能忍不著。則不生疑。二於毆罵打害中能忍。則不生嗔恨。是爲生忍。云何名法忍。法忍有二種。一者非心法。謂寒熱風雨飢渴老病死等。二者心法。謂眼耳鼻舌。疑詭欲瞋慢邪見等。著關於此二法。能忍不動。是名法忍。

(6) 四十二章經。一卷。後漢攝摩騰譯。譯宗所謂佛眼三經中。此經乃其一也。依諸經文而略說佛道之要旨。以愛欲爲諸惡之根本。所以勸人乃早遠離愛欲而志求於道者也。自四果章乃至諸候章。凡有四十二章。因名四十二章經。

(五) 佛言有人問吾守道。行大仁慈。故致罵佛。佛默不對。思止。問曰。子以禮從人。其人不納。禮歸子乎。對曰歸矣。佛言。今子罵我。我今不納。子自持禍歸子身矣。猶響應聲。影之隨形。終無免離。慎勿爲惡。(四十二章經第七章)

(六) 佛言。夫爲道者。譬如一人與萬人戰。挂鎧出門。

意或怯弱。或半路而退。或格鬪而死。或得勝而還。沙門學道。應當堅持其心。精進勇銳。不畏前境。破滅衆魔。而得道果。(同第三十三章)

(七) 汝等比丘。若勤精進。則事無難者。是故汝等。當勤精進。譬如少水常流。則能穿石。若行者之心。數々解廢。譬如鑽火。未熱而息。雖欲得火。火難可得。是名精進。(佛道教經)

(7) 精進。法界次第云。昆梨耶。柔言精進。欲樂勤行善法。不自放逸。謂之精進。精進有二種。一者身精進。一者心精進。若身勤修善法行道。禮誦講說。勸助開化。是爲身精進。若心勤行善道。心心相續。是爲心精進。復次勤修施戒善法。是爲身精進。勤修忍辱靜定智慧。是爲心精進。

(八) 汝等比丘。於諸功德。常當一心捨諸放逸。如離怨賊。大悲世尊。所說利益。皆已究竟。汝等但當勤而行之。若於山間。若空澤中。若在樹下。閑處靜室。念所受法。勿令忘失。常當自勉。精進修之。無爲空死後致有悔。我如良醫。知病說藥。服與不服。非醫咎也。又如善導。導人善道。聞之不行。非道過也。

(教誡經)

吾人何故信佛教乎何爲學佛乎（續）

獅山金剛寺 善

雄

（甲子）貧窮之人當學佛。能令安其粗衣糲食茅舍。而獲得勝於天國之樂故。

（乙丑）微賤之人當學佛。能令不自見其微賤。而見自心最尊貴之性故。

（丙寅）勞苦之人當學佛。能令忘其勞苦。而得真實之安逸故。

（丁卯）富有之人當學佛。能令因富增富。乃至究竟堅固之清淨功德法財。富有萬德故。

（戊辰）豪貴之人當學佛。能令成大雄無畏。最尊無上。而極聚貴之量故。

（己巳）清閑之人當學佛。能令得最極清閑。亦無清閑之相。成世出世間無爲無事人故。

（庚午）教育家當學佛。佛教有精神上不可思議之教育法。能令人民之智德體育。爲極端向上之發達故。

（辛未）軍事家當學佛。佛教有粉碎生死大悲救人之法。能令人民樂爲赴義故。

（壬申）法律家當學佛。佛教有方便周徧之法。能令活用法律而變通適當故。

（癸酉）政治家當學佛。佛教有大圓覺心。圓合一切之法。能令運用國家操縱人民而自在圓合故。

（甲戌）文學家當學佛。佛教有發明世界名言之發生及進化與巧妙之理。能令見文辭詩歌之本抵。而窮其流變。別成壯闊淵雅之波瀾故。

（乙亥）科學家當學佛。佛教有論藏中諸宗論。若瑜伽師地論等。用歸納之論法。創科學之組織。條貫精密。殆無倫匹。而又能一會歸到達於最高之哲學故。

（丙子）佛徒有逃入空門倚賴衣食者。乃佛教之流偽而非佛教之本真。故不可因之而不學佛。

（丁丑）佛徒有作自了漢蓋損國群者。乃佛教之流偽而非佛教之本真。故不因之而不學佛。

（戊寅）佛徒有顧鬼燒神混同巫覡者。乃佛教之流偽而非佛教之本真。故不因之而不學佛。